

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquiteqarpunga:

Naalackersuisunut apeqqutit:

1. **Aalisarnermut, Piniarnermut, Nunalerinermut Imminut Pilersornermullu Naalackersuisoq, Peter Borg (Demokraatit), Inatsisit atuuttut naapertorlugit¹ Naalackersuisunut ilaasortat Inatsisartunut sallusinnaatitaataannginnerannut, taamatuttaaq eqqunngitsumik paasissutissiinnaatitaataannginnerannut pisussaaffeqarnini ilisimaqqissaarpaa? Uani inatsit pineqartoq Naalackersuisup ilisimaneraa aap imal. naamimik ersarissumik apeqqummut akeqquneqarpoq.**
2. **Aalisakkanik tunitsivimmik Naalackersuisooqatigiit sanaartornissaanik pilersaaruteqarnersut apeqqutigineqarmat², Naalackersuisoq apeqqut 1-imi pineqartoq ilaatigut imatut akivoq *“Aalisakkanik suliffissuit inuussutissarsiuteqartunit Naalackersuisuniunngitsoq pilersinneqartarput”*. Kisiannili siornatigut ilaatigut imatut Naalackersuisoqarfia nalunaaruteqartarsimavoq *“Naalackersuisut Tasiilami fabrikkiliortoqarnissaa qulakkeerpaat”*³. Sooruna Aalisarnermut, Piniarnermut, Nunalerinermut Imminut Pilersornermullu Naalackersuisoq, Peter Borg (Demokraatit) Inatsisartunut eqqunngitsumik paasinerluutaasinnaasumilluunniit paasissutissiisoq?**
3. **Apeqqut 2. naapertorlugu, Naalackersuisoq pineqartoq piaarinani eqqunngitsumik ilisimatitsisimappat, akisussaasuunertut atsiortutullu eqqunngitsumik ilisimatitsinera sumit aallaaveqarpa; atorfilittat patsisaappat, ilisimasakinneq, imaluunniit allat patsisigalugit taamatut akissuteqarpa? Sunarpiaq tunngaviunersoq ersarissumik akeqquneqarpoq, naqqiuteqartoqassanersorlu paaserusunnarluni.**
4. **Naalackersuisut siunissami Inatsisartunut eqqunngitsunik paasinerluutaasinnaasunilluunniit akinnginnissartik anguniartalerumaarpaat?**

(Inatsisartunut ilaasortaq Gerth Mikaelson, Naleraq)

¹ Takuuk § 6. Naalackersuisunut ilaasortat akisussaananerut pillugu Inatsisartut inatsisaat pillugu Namminersorlutik Oqartussat nalunaarutaat, nr. 15, 4. April 2023

² § 37 naapertorlugu apeqqummut nr. 16-2025-mut akissut

³ Naalackersuisuniit tusagassiorfinnut nalunaarutip qulequtaa (ullulerneqartoq 13.06.2023)



Tunngavilersuutit:

Naalakkersuisoqarfiup ataatsip iliuuserisaata killormuanik Naalakkersuisoq eqqunngitsunik paasinerluutaasinnaasunilluunniit paasissutissiimmat ersarissaassutininik apeqquteqartariaqarsimavunga.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.